

զիշխանութիւն իւր, և հատոյց զսահմանեալ տուրս 'ի գանձրն Արքունի 8000 փողս (ազճէ), զոր սովոր էին Պատրիարքունք տալ յայնժամ: Եւ նոցա յետ ակնարկելոյ յարձանադիրս Արքունի, ետուն հրովարտակ, այն է Պատրիարքական Պերաթն, հաստատեալ զՊատրիարքութիւնն 'ի վերայ Աստուածատուր եպիսկոպոսի, \1000 (1645): Սակայն յաւուրս իշխանութեան սորա պատահեցան ձախորդութիւնք զիպուածք մեծամեծք և ցաւք անբուժելիք, յորս տազնադեալ տառապեցաւ նա ընդ երկար, զորոց ունիմք պատմել 'ի կարգի: Յերկրորդ ամի Պատրիարքութեան Աստուածատրոյ՝ կին ոմն անուն Եգիսիյէ՝ դուստր Ապտուլլահի, վերատեսուչ Նեստորականաց բնակելոց յերուսաղէմ: Յաւուրսն յայնոսիկ՝ մեռաւ մի ոմն յազգէ նոցին Էսէտ անուն, և կինն բարձեալ զայն թաղեաց լուխայն 'ի գերեզմանատունն Հայոց, մերձ 'ի վանս Ս. Փրկչի: Լուեալ զայս Աստուածատրոյ առաքեաց առ դատաւորն զիոխանորդն զՏօնիկ և զԹարգմանն զԳրիգոր և ամբաստան եղեւ զՆեստորականէն զայնմանէ, կոչեցաւ կինն և 'ի ժողովի անդ ոչ կարաց ծածկել զգործն, զոր արարեալ էր և յաւել եւս ասել ստութեամբ՝ թէ ըստ սովորութեան իմոյ թաղեցի զայն և թէ գերեզմանատունն այն ոչ է սեփհական Հայոց: Իսկ Հայք ըստ խնդրոյ դատաւորին կացուցին վկայս յերեւելի այլազգեաց, և հաստատեցին զսեփհականութիւն իւրեանց և մերժեցաւ խաբէյութիւն Նեստորականին, եւ դատաւորն եհատ վճիռ, եթէ ոք 'ի Նեստորականաց և կամ այլ ոք յօտարաց ժըպրհեսցի թաղել զմեռեալ իւր 'ի գերեզմանատունն Հայոց, հանեալ 'ի բաց ընկեսցի դիակ նորա և 'ի \11 Բէպիլ ավար ամսոյ՝ \1007 (1646):

Յետ վճարելոյ զդատաստան Նեստորականին, եհաս այլ իմն վտանգ 'ի վերայ միաբանաց և զի 'ի գիշերի միում՝ եկեալ աւազակաց պաշարեցին զվանս Ս. Փրկչի և ձայնէին 'ի ներքս առ միաբանսն բանալ զգուռն և զի ոչ կարացին խորտակել զնա և ապա մտին 'ի պարտէզն ձիթենեաց որ անդ, կեղեւեցին և տաչեցին սրով զբունս 26 ծառոց և տապալեալ չրջեցին զբարինս գերեզմանաց 26 եւ սկզբեցին զհողն: Եւ յետ այնորիկ սկսան ահ արկանել և